



著作：法语录

## 十一 东莲安老院千手千眼观音圣像开光

倒驾慈航，普门示现；  
体用一如，千江印月。

时维佛历二五一三年三月廿一日，东莲安老院云集诸山长老，十方善信，恭迎千手千眼观音菩萨圣像崇升宝座，为众供奉，祈求福慧。惟愿慈云普覆，偏十方而同荫，甘露均沾，等九界以润益，千手护持，悲心拔济沉溺，千眼照见，体察善恶分明。使众生弃邪入正，还归本源，万灵离苦得乐，彻见性真。是以供奉布施，必感富贵，持戒行善，定可生天；然而三界极尊，福尽犹堕牛领，二死难亡，五住岂得究竟？今也大士之威光普被，般若智开，誓愿摄持，菩提可期。三十二应，如千江有水千江月，十四无畏，似

40

万里无云万里天。虽然如是，而为开光，以半偈举似：  
随缘化度机无尽，信愿坚持行不穷。  
开！